

《無量壽經優婆提舍願生偈》 補充講表

◎附表十三：

○乙六、離菩提障：依智慧門、依慈悲門、依方便門，除去違背無上菩提心的三種障礙。

*菩提，此翻為覺。一切眾生，長夜在迷，返迷歸悟，皆可名覺。故有發聲聞菩提心者，有發緣覺菩提心者，以及發無上菩提心者。（糅合《成唯識論觀心法要》卷九）

※《靈峰宗論》卷第二之二（示沐苑）云：「發心應學二事：一、智慧，二、慈悲方便。欲學智慧，莫若讀誦大乘方等經典，深解義趣，隨文入觀，不墮嚼木之譏，不招數寶之誚。又數近明師良友，討究決擇，不可師心自是。欲學慈悲方便，須深信一切眾生皆有佛性，定當作佛。見僧俗造惡者，勿生輕慢，須憐憫愛念，種種善巧而迴護接引之。儻恃已修，見不修行，便生忽慢：自持戒，慢破戒者；自讀誦大乘，慢無聞者；自解義，慢愚魯者；自觀心，慢口說者。

人我山高，勝負情重，畢生勤苦，止成修羅法界，去菩薩道遠矣。」

○一者依智慧門，不求自樂，遠離我心貪著自身故。

※《圓覺經》清淨慧菩薩章云：「一切眾生，從無始來，由忘想我，及愛我者（我所）；曾

不自知，念念生滅，故起憎愛，耽著五欲」。

*我：常、一、主宰之意。末那識四根本煩惱：我癡、我見、我慢、我愛。

滿益大師於《成唯識論觀心法要》卷四云：「由第七識妄起我癡、我見、我慢、我愛，遂

使五度諸行，不能忘相，咸成有漏，故名雜染。若欲出輪迴，必先勤觀無我。然

此第七識之俱生我執，細故難斷。必先用第六識，與相應之正慧心所，依於大乘

教理，如實觀察，俾無我正解種子，漸熏漸著，至成熟位，方得無漏實智現前。」

※《佛說八大人覺經》云：「第一覺悟：世間無常，國土危脆；四大苦空，五陰無我；生

滅變異，虛偽無主；心是惡源，形為罪藪；如是觀察，漸離生死。」

無常

故苦 《大乘起信論》云：「當觀一切世間有為之法，無得久停，須臾變壞。」

故空

「應觀過去所念諸法，恍惚如夢。應觀現在所念諸法，

故無我

猶如電光。應觀未來所念諸法，猶如於雲，忽爾而起。」

※《寒笳集》云：「小人以己之過為人之過，每怨天而尤人。君子以人之過為己之過，每反

躬而責己。夫不謂人過謂己過，有四觀焉：

眼見惡色、耳聞惡聲等，皆自業所感，非關他事故；

惡境紛紛，皆唯識所現，虛幻不實故；（諸法所生，唯心所現。）

眾生煩惱無量，應度應斷，已分事故；

眾生修惡，即是性惡，眾生性惡即己性惡故。」

※《菜根譚》云：「飽後思味則濃淡之境都消，色後思姪則男女之見盡絕；故人當以事後

之悔悟，破臨事之癡迷，則性定而動無不正。」——無常觀

○三者依方便門，憐愍一切眾生心，遠離供養恭敬自身心故。

※方者，法也；便者，用也。（糅合《法華經會義》方便品）

《靈峰宗論》卷第二之一云：「法華一經，殷勤稱歎方便。須知有世間方便：布施、愛語、孝悌、忠信等是也。有出世間方便：苦、空、無常、無我、不淨，數息因緣，遠離、知足等法門是也。有出世上上方便：十波羅密，四攝四辯，八萬四千三昧、總持等是也。有不思議勝異方便，信自性中實有西方，現成佛道之彌陀如來，唯心中實有莊嚴之極樂世界。深心弘願，決志求生，不唯上上方便，是其資糧；將世出世一切方便，無非往生左券。此法門中點鐵成金手段，不歷僧祇，頓階不退，名絕待妙法也。」

《大乘起信論》云：「若有眾生來求法者，隨己能解，方便為說；不應貪求名利恭敬，唯念自利利他，迴向菩提故。」


○向說智慧、慈悲、方便三種門，攝取般若；般若攝取方便，應知。

《往生論註》云：「般若者，達如之慧名（根本智）；方便者，通權之智稱（後得智）。」

○向說無染清淨心：此三種心，略一處，成就妙樂勝真心，應知。（糅合《往生論註》）

樂有三種：一者外樂，謂五識所生樂。二者內樂，謂初禪、二禪、三禪，意識所生樂。三者法樂樂，謂智慧所生樂。此智慧所生樂，從愛佛功德起，是遠離我心，遠離無安眾生心，遠離自供養心。是三種心，清淨增進，略為妙樂勝真心。「妙」，言其好，以此樂，緣佛生故。「勝」，言勝出三界中樂。「真」，言不虛偽，不顛倒。

※依止三門——遠離違背菩提門法——得隨順菩提門法——攝三心為一心（無上菩提心）



《大乘起信論》云：

清涼國師於《華嚴疏鈔》卷二指出：十信至十地修

持，皆以菩提心為始，體即三心：

一者、直心：正念真如法故。——即是大智，無所執著。

二者、深心：樂集一切諸善行故。——即是大願，謂四弘等。

三者、大悲心：欲拔一切眾生苦故。

○復有五種門，漸次成就五種功德，應知。（以下糅合《往生淨土論講要》）

文中復有二字，非謂除此五門之外，另有五門，即謂依此五門，復有成就五種功德義也。

○一者近門，：三者宅門，四者屋門，五者園林遊戲地門。（以下糅合《往生淨土論講要》）

由前五門，復漸成就此五種功德者：禮拜即是身業，由此禮拜一次，即與極樂相近一步，故由禮拜成就近門，即與極樂相近之門。將內心中之至誠恭敬之心表示於語言之中，謂之讚歎。以稱名贊德必有音聲，由此音聲能令聞者獲利，而成大法會眾。又吾人誦彌陀經，即有天人等眾同來聞法，同來護持，成大法會，故由讚歎能成大會眾門。作願修奢

摩他，能令心念完全對向極樂世界，如是專念，定能往生極樂宅中，故由作願成就宅門。觀察即由定生慧，由慧觀察極樂世界依正功德，如人入屋，屋中諸物顯現眼前，明了觀察，故由觀察成就屋門。迴入娑婆等苦界，即迴向義。如已入屋，復入園林作諸遊戲，故迴向門名成就園林遊戲地門。前四成就為入極樂世界功德；後一為出極樂世界功德。

○迴入生死園煩惱林中，遊戲神通，至教化地，以本願力迴向故，（以下糅合《往生論註》）

「遊戲」有二義：一者自在義——菩薩度眾生，譬如獅子搏鹿，所為不難，如似遊戲。二者度無所度義——菩薩觀眾生，畢竟無所有。雖度無量眾生，而實無一眾生，得滅度者。示度眾生，如似遊戲。言「本願力」者，示大菩薩於法身中，常在三昧，而現種種身，種種神通，種種說法，皆以本願力起。譬如阿修羅琴，雖無鼓者，而音曲自然。是名教化地，第五功德相。